


ԹՂԹԱԿ ՅՈՒԹԻՆՆԵՐ
ԵՒ ԴԻԱՄ
ՂՐԿԵԼՈՒ ՀԱՍՑԷ
M. BENIARD.
22, Ormiston Road,
Shepherd's Bush.
London, W. [Angleterre]

Ամեն բան ժողովրդի մե-
ջոցով, ժողովրդի կամքով եւ
ժողովրդի համար:

Իւրաքանչիւրի եւ ընդհա-
նուրի հաւատարմաւէս բարե-
կեցիկ կեանք — դա է ծշմա-
րիտ ազատութիւն:



ԵՐԳԻԾԱՐԱՆԱԿԱՆ — ԳԵՂԱՒԱԿԱՆ ՀԱՆԳԻԷՍ

ԲԱԺԱՆՈՐԴԱԳՐՈՒԹԻՒՆ
ԱՍԵՆ ՏԵՂԻ ՀԱՄԱՐ
ԿԱՐԵԿԱՆ 5 ֆր.
ԻՅՍ ՏԱՐԻԱՆ . . . 3 „
ԻՒ ՀԱՄԱՐԸ . . . 2 „

Ժողովուրդ, դու ինքդ մե-
այն կարող ես ձեռք բերել քո
ազատութիւնը:

Արեւան ծախիծներ — ահա
ազատութեան ծանապարհը:

Ժողովուրդ, մի՛ աղերսիր,
այլ պահանջիր եւ ձեռք բեր

ԵՐՐՈՐԴ ՏԱՐԻ

ԼՕՆԴՕՆ

Nr 6. ՀՈԿՏԵՄԲԵՐ. Nr 6.

1896

Մ Ի Ա Մ Ս Ե Ա Յ



ԳԵՂԱՒԱԿԱՆ ՎԻՃԱԿԸ.

Իւրօրական տէրութիւնների արտաքին
գործերի մինիստրներից եւ քաղաքական ան-
ձերից իւրաքանչիւրը միշտ ճառում է
հաստատամիտ, կտրուկ եւ հառառառի
աղբիւրի նման վճիռ ու պարզ կերպով:
Նրանք միշտ հիմնում են իրանց խօսքերը
երկու հակադիր գրութիւնների վրայ,
ինչպէս վայել է ամեն քաղաքագետի, որ
պէտք է իր իւրաքանչիւր միտքն այնպէս
արտայայտէ, որ հէնց նոյն այդ մտքի հեր-
քում իր մէջ իսկ գտնվէ: Գա է եղել դիպ-
լոմատութիւն, դիւանագիտութիւն կոչված
հրաշքը, որ հայերիս մէջ միայն մի քանի
„նշանաւոր դիւանագետներ“ իրանց մենաշը-
նորհ են արել:

Իււ եւրօրական քաղաքական անձերը
այսպէս են ճառում. —

„Պարոններ, այսօր կան շատ քաղա-
քական խնդիրներ: Գլխաւորը ամենատա-
նապալին հայկական խնդիրն է: Բայց, պա-
րոններ, բայց պէտք է հասկանալ, որ այդ
խնդիրը մեզ համար գոյութիւն կունենայ
միայն այն ժամանակ, երբ մեր շահին նը-
պաստաւոր լինի: Մենք պահակ ու պաշտ-
պան ենք մարդկութեան իրաւունքների:
Բայց հզօրագոյնի իրաւունքն է, որ պէտք
է պաշտպանենք: Մենք համակված ենք
մարդասիրական գաղափարով: Բայց մենք

հնազանդվում ենք իրականութեան, որ
մարդկերական է: Մենք գիտենք ցաւել,
երբ մէկի իրաւունքները ոտնակոխ են լի-
նում. մենք գիտենք խղճալ, երբ մարդ-
կանց կոտորում են. մենք պաշտպան ենք
տկարի: Այո՛, դա հակառակ է մեր ըզ-
գացման, մեր բարձր գաղափարին, բայց ոչ
մեր մեծ գործին, որովհետեւ նոյնն անում
ենք նաեւ մենք յանուն մեր հայրենիքի
մեծագոյն շահերի. դառը զոհաբերելը մեր
Մօլթի եւ Ռսկէ չորթ աստուածներին —

դա ամեն տէրութեան հաւատքի սուրբ
արարողութիւնն է: Տկար է գառը, բայց
գայլին չէ կարելի փոխել տալ իր բնու-
թիւնը: Մենք պահանջում ենք, որ Իւ-
րօրակամ գտնված մի տէրութիւն՝ լինի
եւրօրական. մենք տեսնում ենք, որ այդ-

պէս չէ թիւրքիան: Բայց այդ էլ միայն
խօսքով է, որ մենք կարող ենք պահան-
ջել՝ ցոյց տալու համար, թէ մենք նրան-
ցից լաւ ենք. անոտի՛ խաբէութիւն: Մենք
ամենախիստ կերպով պահանջներ ենք ա-
նում եւ բաւարարութիւն ուզում, երբ
մեր մի հպատակի քիթն իսկ արիւնոտ-
վում է թիւրքիայում: Բայց իբրեւ իրա-
ւաճանաչ, ընդունում ենք, որ սուլթա-
նին էլ իրաւունք ունի իր հպատակների
վրայ, նրանց կեանքը, նրանց ինչքը դըր-
ված են սուլթանի անմիջական իրաւասու-
թեան տակ. եւ, հետեւաբար, նոյն իսկ եւ-
րօրական օրէնքով, նա կարող է վարվել
նրանց հետ իր կամքի համաձայն: Մեր
շահերի համար մենք չենք խնայում ոչ
մի խիստ զիպլօմատական միջոց ընդդէմ
թիւրքիայի, այլ եւ սպառնում ենք պա-
տերազմով, երբ դրա հարկն ենք տեսնում,
եւ անուանում ենք թիւրք կառավարու-
թիւնը՝ բարբարոսական եւ սուլթանին՝ մար-
դասպան: Բայց մեր շահերից չիք բարձր
շահ, թէկուզ մանր ազգեր զոհ գնան դը-
րան եւ թէեւ սուլթանն է նրանց դահիճն
ու մարդասպանը, բայց գիլիօտինն ու կա-
խաղանը թագաւորների համար չեն, որ-
քան էլ նրանք մեծ ոճրագործներ լինեն,
այլ միայն հասարակ մահկանացուների եւ
մասնաւորապէս իրանց հայրենիքն ու ժո-
ղովուրդը պաշտպանող յեղափոխականների
համար են, որ եւրօրական տէրութիւն-
ների հանդիսան են խռովում եւ նրանց փո-
խադարձ բարեկամական յարաբերութիւն-
ները լարում:

„Ահա յանուն այսօրինակ մեծ սկզբ-
բունքների եւ քաղաքական հիմնական շա-
հերի, յանուն մեծ ազգերիս խաղաղու-
թեան եւ մարդկութեան ամենամեծ բա-
րիքների — մենք չենք ձանաչում հայկա-
կան խնդիր, թէեւ շատ ցաւ ենք զգում
հայկական կոտորածների լուրերից...“

Իււ ամեն անգամ գիշերը, երբ սուլ-
թանին հասնում է այդպիսի մի ծառի լուր,
նա քթախոտը տանելով իր քիթը, երկու
անգամ իրար ետեւից փռնգտում է: Դո-
ղովդական առած կայ — „գիշերւայ սաբ-
րը եւր է“:

ԱՆՎՆԱՍ ՄԱՐԴ. ՆՈՐԱԳՈՅՆ ՀԵՐՈՍ.

(Հետեւողութիւն.)

Հետեւելով միշտ օրինաց աշխարհի,
ես կեանքիս մէջ ազգիս վընաս չի արի:

Օր մը եկան ոստիկաններ,
Ջիս բռնեցին անպիտաններ,
Տարին բանտը նետեցին:
Երբ որ ինծի քննեցին,
Ըսի՛ բան մը չեմ գիտեր,
Այն Պետրոսէն հարցուր, տէր:
Խեղճ Պետրոսիկ. բռնեցին,
Յըմա՛ն արտը դրեցին:

Հետեւելով միշտ օրինաց աշխարհի,
ես կեանքիս մէջ ազգիս վընաս չի արի:

Բանտէն ինծի չէին թողուր,
Միշտ կուլայի ես ալ քուռ-քուռ.
Օր մ' ալ պետք զիս կանչեց
Քննեց, նայեց, յօրանջեց,
„Քոյր մը ունիս գեղեցիկ“,
Ըսաւ... Փաստն էր ազդեցիկ.
Քոյրս ծախեցի ես անոր,
Բանտէն ելայ նոյն ան օր:

Հետեւելով միշտ օրինաց աշխարհի,
ես կեանքիս մէջ ազգիս վընաս չի արի:

Ազգասէր չեմ ես անուանի,
Թիւրք պետին սէրն է պիտանի,
Շուտ-շուտ անոր կերթայի,
Ծառ կընէի, խնայի.
Շատ բան ինձմէ կիմանար,
Շնորհապարտ ինձ կըլար:
Թէ՛ անպակաս էր փարաս,
Թէ՛ ազգասէր մորթ վըրաս:

Հետեւելով միշտ օրինաց աշխարհի,
ես կեանքիս մէջ ազգիս վընաս չի արի:

Ազգիս բաղն էր շատ պղտորած,
Պէտք է հասնիլ մեծին փառաց.
Ժողովել տուի փարաներ
Մեծաբանակ. աղաներ
Սպանել տըւի. փարայի
Համար ինչե՛ր ալ չըրի:
Ազգասէրի քօղին տակ
Ձէի ընծի ալ կատակ:

Հետեւելով միշտ օրինաց աշխարհի,
ես կեանքիս մէջ ազգիս վընաս չի արի:

Փարս՝ եւ փառք... Խո՛ւն երկարիմ...
Պետն ինձ ըսաւ՝ „քաջ“, աֆէրիմ...
Դիմակս էր հաստ. բայց մէկ օր
„Ղաւ“, պօտաց ինձ կամակոր
Չայտով մարդ մը եւ դաշոյն
Չարկեց կրծքիս, ա՛յ, այն շուն:
Ես չի մեռայ, բայց ախո՛ս,
Շատեր ինկան բանտին փոս...
Հետեւելով միշտ օրինաց աշխարհի,
ես կեանքիս մէջ ազգիս վընաս չի արի:

Հետեւելով միշտ օրինաց աշխարհի,
ես կեանքիս մէջ ազգիս վընաս չի արի:

Ազգին արիւն գետով թափէր,
Ցաւէն աշխարհ կը սարսափէր...
Դաշինք կապած պետին հետ
Ես՝ զանազգեստ, խորագէտ
Ներկայացայ մեծերուն,
Ազգիս պաշտպան հայերուն,
Անոնց շինած շէնքն ու գործ
Քանդելու մեծ ընել փործ:

Հետեւելով միշտ օրինաց աշխարհի,
ես կեանքիս մէջ ազգիս վընաս չի արի:



Հայաստանի շինքահաղթը

Le Triomphe de l'Arménie



Այդ ինչ!! դձրեալ Նստա!! Լաւ, լաւ, միւսների հետ զամօթը նետէ:



Առաջարկ արձանի մը պօլսոյ մէջ հառուցանելի.

„ԱՊՏԱԿ“-ի ՀԱՆԵԼՈՒԿՆԵՐ.
ԲԵՊՈՒՍ ԹԻԻ 7



Նապլ-մի-Հետք-օր-ձագ-ձի-լ-մա-
 տըն-ութ հւ-ջէ-Հապա-իւ-ջէ- Հնչա-
 րա-նու-նշալ-ա-գոր-թել-նէ-նգ-ու-թ
 -իւն-ստոր-ն-ու-թ րւն-չէ Հա-պա-րւ
 -ջէ : —————

Նապրմի Հետ գործակցիլ մատնութիւն
է Հապա ինչ է . Նկակի անունը շահա-
գործել նենգութիւն ստորնութիւն է Հապա
ինչ է :-

Ծառ էսթրիկներ ես լարեցի
Աղէկը գէշ հոշակեցի,
Դաւեր ըրի մուծին մէջ,
Սուտեր ըսի աւ անվերջ,
Սրիկայք մէկ տեղ ժողվեցի,
Դաշոյն սըրել ստիպեցի,
Պաշտպաններու հայ ազգին
Ժիզ թափեցի տեսնալ ղին:

Հետեւելով միշտ օրինաց աշխարհի,
Ես կեանքիս մէջ ազգիս վընաս չի արի:

Անա՛ ունիմ ես մեծ փէշակ,
Ո՛վ կըսէ թէ ես չեմ մըշակ
Ազգիս համար հոգացող,
Ո՛վ կըսէ ինձ ուրացող,
Դիմակաւոր ազգադաւ,
Պուզեմ մեծի ես համբաւ,
Արքանեակներ խնկարկեն
Եւ գործս յառաջ նաւարկեն:

Հետեւելով միշտ օրինաց աշխարհի,
Ես կեանքիս մէջ ազգիս վընաս չի արի:

ԵսնԹԸ.



ԿԵՂԾ ՊՈՏՏԻՄԵՆՈՐԸ.

Սեւ մտածումների մէկ օր էր, երբ գիւս-
նագետի սլացող փառքի ետեւից զուր արշա-
ւանք անելուց յետոյ յոգնած՝ Մինաս Զարազ
անուան համապատասխանող անձը յանկարծ
ըղային ծիծաղով բռնուեցաւ: Այդ բոլորին
նա ձեռքերը շփեց ուրախ կերպով և իր ըն-
թերցող չունեցող անմահ թերթի մէջ ան-
մահացրեց հետեւեալ մահացուցակը. —

«Հնչակ» իմացում է, որ երկպառակու-
թիւններ կան և իր խմբագրից զատված են
երեւելի Հնչակեաններ Ա., Բ., Գ., Դ. ... «Այդ
գրելով մեծամիտ գիւսնագետը հաճոյքից ըս-
կաւ լրասել իր պետքից մեղը: Նա գիտէր,
որ «Հնչակում» այդպէս չէ գրված, այլ թէ՛
«Ա., Բ., Գ., Դ. և այլն արտաքսված են Հնչակ-
եան կուսակցութիւնից»: Բայց այդ գիւսնա-
գետը միշտ երկիւղ ունի ճշմարտութիւնից:
Պէտք է սակայն նկատել, որ հանձարեղ ներ-
շնչումներ էլ ունի երբեմն: Այսպէս, այն
դերեւելի Հնչակեանների՝ համար ասում է,
թէ նրանք կազմեցին մի «bande», ածական,
որ եթէ պարզ հայերէն թարգմանէ՝ «աւա-
զակային խումբ» կամ նոյնիմաստ մի բառ
պէտք է գործածէր: Բայց պէտք է ենթադրել,
որ Բոսֆորի այդ զաւակն ուրախութիւնից շը-
փովել էր, որովհետեւ Բոսֆորի հոսոսական
գաղութի պատուների արժանաւոր արարքների
հոտն էր լսել, որ նրա վրան հաշիշի ազդեցու-
թիւն էր գործել, և վաղուց գրան կարօտ ե-
ղած՝ հիացման ու հրճուանքի մէջ էր: Եւ նա
երգելով, մոռաց իր յափշտակված քթի
տակ. —

«Ա՛հ, Անուշ հոտ ընտանի»,
«Որ զիս Բոսֆոր կը տանի...»

Նա յերաւի նախանձում էր այդ «երեւելի
Հնչակեանների» արարքներին, որոնց ինչ
պտուղ ու ծաղիկ լինելը «Հնչակն» էլ հո-
տոտած լինելով, մեծ սիրով այն զիջանում է
կեղծ պրօֆէսոր Զերազին: Սակայն այստեղ
կայ մի կէտ. այդ Զերազը, երէկ ամեն տեղ
սաստիկ յարձակվում էր այն Հնչակեանների
դէմ, իսկ այսօր նրանք յանկարծ «երեւելի» են
գործել նրա համար... Այդ փոփոխմանու-
թեան թիկնամ արդէն Զերազի սեփականու-
թիւնն է. և մենք ոչինչ չենք աւելացնում, այլ
միայն արձանագրում ենք Զերազի ամեն մի
խօսքն ու շարժումը, որ այդպիսի թանկա-
գին բաները հայոց վերածնութեան պատմու-
թեան համար չը կորչեն:

* *

Այդ հանձարեղ մարդը մի սովորութիւն ու-
նի, որ ձեռնածուութեան գրքերում կը գրա-
ւէ իր պատուաւոր էջը: Նա մի բոլոր իսկ չէ
մոռանում, որ պէտք է ամեն կուսակցութեան
առջև խոնկ ծխել, չորքորթել նրան, յուսա-
լով որ այսպիսով դրանց կողմից երբեք չի դա-
տափեալով, դատափետութիւն, որին նա արժա-
նի է: Ի ներքուստ նա ամեն կուսակցութիւննե-
րի ձախորդութեան համար աղօթող է, որով-

հետեւ ամեն կուսակցութիւններ փնտրակար են...
մանաւանդ նրա փառքի ու շահի համար, և ինքը
ձգտում է մենակ լինել ասպարէզում, ինչպէս
չարագուշակ բուն անտառում: Բայց եկ և տես,
որ «Հնչակն» ունի մի խոշոր պակասութիւն, որը
Զերազի մէջ չը կայ (ինչպէս և այսպիսի շատ
պակասութիւններ չը կան նրանում). այդ պա-
կասութիւնն այն է, որ «Հնչակն» անսովոր է
կեղծաւորելու և «Ապտակն» էլ (մենք մեզ չենք
կարող անտես թողնել), և «Ապտակն» էլ սո-
վոր է ապտակելու... Եւ այդ երկու յանգու-
գըն մտրակները մերթ ընդ մերթ հաճոյք են զգա-
ցել Զերազին հալածելու: Մեղք, իսկապէս, ո-
րովհետեւ Զերազն այդպիսի մարմնամարզութիւ-
նից յետոյ միշտ լալիս է: Հիտեաւար, նա ջը-
րում խեղդվողի նման, այս կան այն կուսակ-
ցութեան ամեն մի մեծ ու չնչին պատուական
ամուր փաթաթվում օձապտոյտ կերպով և հա-
մարձակութիւն է առնում, անկիւնաւոր կերպով
սողոսկելով, խայթելու փորձ անել, մի բան
ինչ արդէն սովորաբար անում է մանաւաւր շըր-
ջաններում: Նա սիրում է մանաւաւր դամբա-
նական կարգալ... Սրանից երկու-երեք տարի ա-
ռաջ նա ինքը «մենակ» (խեղձ, բացի իրանից իր
«գործունէութիւնն» ուրիշ գնահատող չունէր)
տօնեց իր երեսուն թէ քառասուն ամեայ «գոր-
ծունէութեան յօբելանսը» և յայտարարեց իր
պէսպիսացողի թերթում, թէ տասն և երեք
տարեկան հասակից արդէն «ազգային գործիչ»
է եղել և իր առաջին «գործը» սկսել է դամբա-
նականով ինչ-որ մեռելի գլխին: Զերազը փա-
փազ ունի «Հնչակի» գլխին էլ դամբանական
կարգաւոր, երեւի այս անգամ իր «գործունէ-
ութիւնն» ուզում է աւարտել...

* *

Նա նոյնպէս սիրում է մեծ անուան տէր
մարդկանց գլխարկի տակ մտնել, որ ինքն էլ
մեծ երևայ... Գէթ տխմարների աչքին: Նա ինքն
իրան մեծ կարեւորութիւն է տալիս, որովհետեւ
ուրիշներն իրան կարեւորութիւն չեն տալիս: Նա
սիրում է մեծ տիտղոսներ. այսպէս Կ. Պոյսի
հոսոսական գաղութների պարզ վարժապետն ի-
րան պրօֆէսոր է շինել տվել հայերէն լեզուի
Անգլիայում (բայց աշակերտներ չունի, դժբաղ-
դաբար): Երեւոյ. ահա եթէ տարի է, ինչ նա ի-
րան ներկայացնում է թէ՛ Հայերին և թէ՛ Լե-
րօպական հասարակութեան իբրեւ «Բերլինի վե-
հաժողովի նախկին հայ պատգամաւոր», մի կեղ-
ծիք՝ որ միշտ գրած ունի իր թերթի ձակա-
տին: Բայց, բարեբաղդաբար, եւրօպական հա-
սարակութիւնն այդ հրեշաւոր սուտը կուտա-
լու միջոց չունի, և դա այն դժբաղդ պատ-
ճառով, որ կեղծ պատգամաւորի թերթը մէկ
ու կէս Լեւոպացի ընթերցող ունի միայն, ինչ, ան-
շուշտ, մեծ հարուած պէտք է նկատել հայ-
կական դատի համար: Այդ նշանաւոր մարդը,
որ Բերլին էր գնացել միայն իբրեւ թարգման
հայ պատգամաւորների, Կ. Պոյսում, պատրիար-
քարանի հոտած բաղում ու մութ նախասնե-
րակներում սքանչելի վարպետ է դարձել—իր
պրօֆէսորներին մինչև իսկ գերազանցել է—մէկ
արհեստում, որ այսօր իր գլխաւոր զենքն է
իր «ազգային գործունէութեան» մէջ: Որոշ
նպատակներով (որ առհասարակ թաքուն է պա-
հում, բայց երեւի ազգասիրական լինելու են) նա
հազնում է հրեշտակի դիմակ և խաբէբայա-
կան լուրեր ու առասպելներ է տարածում: Դը-
րամական նախանձն իր մէջ խիստ զարգացած
լինելով, նա զառանցում է թէ իբր Զէյթուն-
նից նամակ է ստացել թէ իբր «Հնչակն» գու-
մարած գրամներից Զէյթունի համար ոչինչ չէ
ղրկվել: Ի հարկէ ինքը քաջ գիտէ, որ այդ բոլոր-
ն ազդակիչ սուտ է, որ այդ սուտն էլ նա ա-
սում է նախանձից դրդված, որովհետեւ կուղե-
նար, որ այդ դրամը ստացած լինէր այն ան-
ուանական կենտրոնը, որի մասին «Հայք» նը-
րան ծաղրում է, և որն այն մեծ առաւելու-
թիւնն ունի ամեն ուրիշ կենտրոններից, որ զըտ-
նելով է նոյն իրան սուտ պատգամաւորի ան-
միջական տրամադրութեան տակ: Ուրիշի ձեռ-
քով կրակից շագանակներ հանել մեր կեղծ
պատգամաւորը շատ է սիրում: Սակայն կա-
րող եւմ հաւատացնել ամեն երեւակայելի և անե-
րեւակայելի ջեզուիտներին, լինի դրանց մէջ

մինչև իսկ կեղծ պատգամաւորը, հաւատացնել
նոյնպէս մտքով սնանկ ու համբալ թերթերի
ողորմելի խմբագրիչներին, թէ և դրանց մէջ
խմբագրապետը լինի նոյն ինքն Զերազը, որ
ամենայնպէս ուսումնական չի լինում, որոնց այնքան ա-
տում է մեր արիւնակելի կեղծ պատգամաւորը,
միշտ զգուշանքով հալածում ու դատափետում է
ամեն խաբէբայութիւն և ամեն խաբէբաներին:

* *

Պեղծ պատգամաւորը սչ միայն կեղծ պատ-
գամաւոր լինելով է նշանաւոր, այլ նա իր խել-
քն էլ վաճառքի է հանել և այդ անելով հան-
դերձ՝ մի յատկութիւն է ցոյց տվել, որից ա-
մեն խաղաղասէր մարդ պէտք է զգուշանայ: Նա
իրան մեծ դիւանագէտ է ծախում և աջ ու
ձախ՝ սկսած Սօլզբերից ու Գլադստօնից և ուու-
սաց տէրութիւնից մինչև վերջին միամիտ հայի
գլխին իր օլիմպիական երեւակայական բարձ-
րութիւնից պատգամներ է կարգում իբրեւ իր
խելքի արտագրութիւն՝ հայոց դատի նկատմամբ:
Միւս կողմից էլ՝ որին որ սկսել է տալ բա-
րեւակական այդպիսի խրատներ, վերջը դար-
ձել նրան թշնամի: Այսպէս սուլթանին ժա-
մանակով խելքի խրատներ տվեց, նա չը լսեց
և Զերազը թշնամացաւ նրան: Գլադստօնին դի-
ւանագիտական խրատներ կարդաց, նա չը լը-
սեց և հայ մեծ դիւանագէտը թշնամացաւ նրան:
Սօլզբերին — նոյնպէս, Գլադստօնիկին — նոյն-
պէս, «Հնչակին» — նոյնպէս. իր թերթի նախորդ
թուում շողքորթում էր «Գլադստօնին», իսկ վեր-
ջին թուում յարձակվում է նրա վրայ. երէկ շա-
հագործելու համար հայ մեծամեծների անուն-
ների ետեւից ընկած որս էր անում, իսկ այսօր
երբ դրա մէջ անախորդութիւն ունեցաւ, ասում է
թէ նրանք պէտք չեն, սուլթանը կամ Շահը
կը բարկանայ: Տասն և ութ տարի առաջ ին-
քը ոչ միայն խօսքով, այլ և ընթացքով դէմ էր
ուսուցաց տէրութեան, այսօր «Հնչակի» ու «Դը-
րօշակի» վրայ է յարձակվում, որովհետեւ սրանք
յայտնում են թէ ուսուցաց քաղաքականութիւ-
նը հայոց դատին հակասակ է: Այդ «perfec-
tion» եղած (հմտարեւագործված) կեղծ դի-
ւանագէտը դէմ էր ուսուցաց տէրութեան այն
ժամանակ, երբ դրա քաղաքականութիւնն ա-
ւելի նպաստաւոր էր մեզ քան անգլիականը,
մինչդեռ այսօր ճիշդ դրա հակառակն է... Այս-
պէս կեղծ պատգամաւորի և կեղծ դիւանագէ-
տի հետ բարեկամանալը վտանգաւոր է, որով-
հետեւ իր խելքն է ուղում քեզ ծախել, և երբ
նրա մէջ գնելու բան չես գտնում, թշնամա-
նում է քեզ: Ինքն էլ բաց օդում, քամու-
նից առջև դրված միշտ պտտվող հողմացոյց
է, որ աշխարհի չորս կողմերը ցոյց տալու չափ
յատկութիւն չունի...

* *

Եւ ձամբան կորցրած այդ կեղծ պատգամա-
ւորը լաւ չէր անիլ արդեօք, եթէ անմեղ կեր-
պով մեր փոքրիկ Գուրեանի ոտանաւորները
թարգմանէր և անվաս զառանցանքի մէջ ընկ-
նէր, թէ Գուրեանն Ամերիկայի գրական մեծ
հակայ Լօնգֆելլօ բանաստեղծից բարձր է և թէ
ինքն էլ պատգամաւորի տիտղոս գողացող չէ,
այլ Գլադստօնից էլ մեծ դիւանագէտ է: Եւ մեր
համեստ խելքի խրատն է ձեզ, պ. Զերազ, որ
այդ արհեստով շարունակէք պարապել. ախար
ձեր ինչ գործն է ազգաւոր թերթերով արժւի
թուիչ առնելու փորձ անել, գիտէք որ անկու-
մը սոսկալի կը լինի ձեզ համար: Դէս ու դէ-
նից, աշխարհից անտեղեակ մի քանի միամիտ
հայերից բաւական մեծ նպաստներ էր ստանում,
գոհացէք դրանով և ձեր վերամակի տակ ժո-
ղովեցէք ձեր ոտները, որպէս զի ձեր տան աղբը
դուրս չը գայ... Գոհացէք ձեր չափով... Շատ,
շատ — կարող էր նա և մերթ ընդ մերթ ձեր մի
սովորութիւնը գործածել և զանազան թագա-
կիրների ոտները լղել... Բայց այդ արդէն ձեր
չափից դուրս չէ...

Ա.